

«ՎՐԱՍՏԱՆ»-Ը 95 ՏԱՐԵԿԱՆ Է

ՀԱՐԳԱՆՔԻ ՏՈՒՔ՝ ՄԵՐ ՍԻՐԵԼԻ ՀՈՐԵԼՅԱՐԻՆ



Ախալքալաքի շրջանի ընթերցողների, մտավորականության, ստեղծագործանի հատկերի ու թղթակիցների, կրթության կենտրոնի աշխատողների անունից խորին երախտագիտությամբ շնորհավորում են «Վրաստան» թերթի 95-ամյա լույսընծայման առթիվ՝ ցանկանալով թերթի խմբագրակազմին, նրա բոլոր աշխատակիցներին ստեղծագործական նվիրվածություն, պատասխանատվության չզիջող զգացում, ստեղծագործական բեղմնավոր գործունեություն 26-դ հարգարժան խմբագիր, թերթի գոյատևման, նրա հեղինակության, գործի նկատմամբ հետևողական գործունեության առթիվ:

Թերթի բազմազան ընթերցողները խորապես զգում են այն համընդհանուր դերը, որ ընթերցող լայն շրջանների վրա թողնում է թերթի յուրաքանչյուր համարը՝ իր բազմաժանր ու թեմատիկ բազմազանությամբ, հարուստ բովանդակությամբ, դաստիարակչական ու ճանաչողական բազմակողմանի նշանակությամբ:

Այսօրվա «Վրաստանի» ժամանակագրական միավորը դարձնում է, նրա գոյության գրավականը՝ ընթերցողների բազմազան արձագանք հանրությունը:

Դեռևս անցյալ դարի քսանական թվականներից, մեր հաստատ հանդեմամբ, թերթը հսկայական դեր է խաղացել ժողովրդական լայն մասսաների, նրանց դարավոր բարեկամության, ստեղծագործական ու մշակութային կյանքի, երիտասարդության և աճող սերնդի կրթության ու դաստիարակության գործում:

Թերթի բազմամյա ավանդույթին հավատարիմ՝ ցայսօր էլ պահպանում էք թերթի հեղինակությունը և դերն ընթերցողների շրջանում. նրա արտաքին ու ներքին ձեռնարկները, ժանրային բազմազանությունը, թեմատիկ, նպատակային ուղղվածությունը, հոդվածների խորագրերը, նրանց համառոտ ու դիպուկ անոտացիաները միանգամից գրավում են ամենատարբեր մասնագիտության տեր մարդկանց ու ընթերցող անհատներին:

Բազմաբովանդակ ու լայն է մեր կյանքի ամենատարբեր ընդգրկումների ոլորտների ներկայացնելը թերթի միջոցով: Նրա պետական, քաղաքական, հասարակական, մտավոր ու մշակութային թեմաներով հոդվածները, հարցազրույցները, արդիական պահանջներով լեցուն հաղորդագրությունները մեծապես ազդում են մարդկանց հասարակական ու կրթա-դաստիարակչական գործի արդյունավետ ընթացքին, նրանց աշխատանքային ու գործարար ձեռքբերումներին:

Ժամանակների հարաշարժ ընթացքի միջով թերթի հրատարակչությունը, նրա դժվարին ու պատասխանատու, նաեւ պատվաբեր գործը անմնացորդ ու անվարան տնքմանքով, եռուն գործունեությամբ առանց խախտելու թերթի հրատարակչական հաճախականությունը, հարգարժան խմբագիր, ձեր աշխատակազմով որպիսի՝ արժանապատվությամբ և լարված հետևողականությամբ, անզիջուն գործունեությամբ անցյալ դարավերջի ու մեր դարի առաջին տարիներին կարողացաք առանց ընդհատումների և չմարող արժանապատ-

վությանը թերթի յուրաքանչյուր համարը հասցնել ընթերցողներին: Այդ նվիրական գործին հավաքագրվեց բարերարների, անհատ մարդկանց, պետական հիմնարկ-ձեռնարկությունների նյութական ու բարոյական աջակցությունը:

Մենք՝ մտավորականներս, հասարակական, քաղաքական բնագավառի աշխատողներս, մեծապես երախտագրում ենք այն բանի համար, որ կյանքի համապատասխան դեպքերն ու իրադարձությունները, պետական որոշումներն ու այլ բնույթի տեղեկություններն ստանում ենք «Վրաստան» թերթի միջոցով, ուր մշտապես լույս են ընծայվում կրթության, սոցիալական, հասարակական, քաղաքական բնույթի բազմաթիվ որոշումներ: Թերթի էջերում ընթերցողը գտնում է գրեթե իրեն հուզող բոլոր հարցերի պատասխանները, դրանք, անշուշտ, ընդգրկում են ընթերցողների նախասիրությունների լայն շրջանակ՝ պետական, վարչական, կրթական, սոցիալական, ստեղծագործական, մարզական, խորհրդատվական և այլ ոլորտներ:

Այս օրերին ուսուցչական աշխատանքի որակավորմանը մեծապես նպաստող կրթության և գիտության նախարարության Ազգային ծրագրի կենտրոնի նյութական, տեսամեթոդական աջակցության, արդյունավետ մեկնաբանությունների և առավել արժեքավոր լրատվական տեղեկությունների իմաստով մանկավարժական բնագավառի ողջ աշխատակազմի անունից մեր երախտագիտությունն ենք հայտնում թերթին՝ ժամանակին ու բազմակողմանի տեղեկատվության համար:

Ուրախությամբ պետք է մշն, որ տարեցտարի ավելանում է մեր մտավոր ոլորտի բաժանորդների թիվը, և դա խոսում է թերթի խաղացած բազմաբնույթ դերի ու նշանակության մասին:

Պատահական չէ այն փաստը, որ թերթը Վրաստանում ճանաչվեց 2015թ. Լավագույն թերթ: Անշուշտ, թերթի ժողովրդականության ու հաջողությունների գործում մեծ է իսկական մտավորական ու նվիրյալ թերթի գլխավոր խմբագիր Վան Բայբուրջյանի դերը և նշանակությունը:

Այս բարդ ու դժվարին դարում, թերթը որպես նշանաբան ունենալով հանդուրժողականությունը, ժողովուրդների բարեկամությունը, շարունակում է իր լուսավոր ուղին: Անգնահատելի է թերթի դերը մանավանդ հայալեզու շրջանների համար. այն հնարավորություն է տալիս ազգաբնակչությանն ինտեգրվելու երկրի քաղաքական, հասարակական ու տնտեսական կյանքին:

Վերջում հիացմունքով ու խորին երախտագիտությամբ, ձեզ՝ հարգելի՛ խմբագիր, թերթի խմբագրակազմին, ընթերցող լայն շրջաններին, ստեղծագործական ազնիվ վերաբերմունքը դրսևերող թղթակիցներին, թերթին հավաքագրված բարերարներին և անհատներին կրկին ու կրկին ցանկանում ենք ստեղծագործական ու հետևողական արդյունավետ աշխատանք, պետական ու ազգային նպատակաուղղված գործունեություն, թերթի բազմամյա ավանդույթներին հավատարիմ տքնաջան աշխատանք՝ շաբաթաթերթի հետագա գոյատևման ճանապարհին:

ՆԱՐՑԻՍ ԿԱՐԱՊԵՏՅԱՆ
Ախալքալաքի ռեսուրս-կենտրոնի պետ

ՈՒՂԻ ՏՔՆՈՒԹՅԱՆ ԵՎ ՎԱՍՏԱԿԻ

Սիրելի բարեկամներ, մեր միակ Համավրաստանյան հայատառ թերթը՝ «Վրաստանը», բոլորեց իր բեղուն կյանքի 95-րդ տարին: Կյանք, որը նվիրվեց երկրի հայազգի բնակչությանը, և նվիրվեց լիաբուռն ու անմնացորդ:

Այդ նա էր, որ տասնամյակներ շարունակ, երբ դեռ հեռու էին հեռուստատեսության և ինտերնետի դարաշրջանները, ինֆորմացիայի գերակա աղբյուր էր մեր ժողովրդի համար՝ սկսած խրճիթ-ընթերցարաններից ու լիկեթներից, ուր հասած թերթի հերթական միակ համարն ընթերցվում էր դեռևս անգրագիտությունը չթափած բնակչությանը: Նա, որը երկրի տնտեսական, գիտական, սոցիալական, մշակութային, մարզական վերելքի տրուբադուրն էր, և որի հրապարակումներն ընդունվում էին անվերապահ հավատով: Ու գլխավորը՝ «Վրաստանը» ոչ միայն երկրի հայազգի ու հայաիտ շրջանների կյանքի տարեգիրն էր, նրանց երակազարկի բաբախումների գրառողը, այլև վրացի և հայ ժողովուրդների դարավոր բարեկամության և մտերմության արձանագիրը: Թերթի նրա ժամանակից խունացած համարները, և քո դեմ կհառնի վիրահայոց ողջ պատմությունը՝ իր վերելքներով ու վայրէջքներով, իր անվանի



մարդկանցով ու լավ գործերով, ապագային ու վաղվա օրվան միտված հազարավոր հիանալի նախաձեռնություններով: Ու թե պատմության ու քաղաքականության վայրկյանները հաճախ խաթարել են սիրելի թերթի բնականոն կյանքը, ստիպել խաղիսպիլ բարդ ու դժվարին պահերի աղջամուղջում՝ միեւնույն է, «Վրաստանը» պատվով է հաղթահարել խոչընդոտները և հասել մինչև մեր օրերը՝ մինչև մեր Վրաստան՝ ազատ և ինքնիշխան պետության դարաշրջան:

Հարգանքով հիշենք հայ լրագրողների և թղթակիցների բազում սերունդներին, որոնք շուրջ մեկ դար ամենագորեղ գեներով՝ գրչով, պայքարեցին մեր կյանքի համար, նաեւ բոլոր նրանց, ովքեր այսօր էլ պատվով են կատարում իրենց միսիան՝ մեր կյանքի պահանջներին համապատասխան:

Հարգելի Վան Վաղարշակի, սիրելի «Վրաստանցիներ», սրտանց շնորհավորում են բոլորիդ սիրելի «Վրաստան» թերթի պայծառ տարեկիցի առիթով, ցանկանում առողջություն և ստեղծագործական մոր հաղթանակներ՝ ի փառս Վրաստան երկրի և նրա հայազգի բնակչության, հանուն խաղաղության և հանդուրժողականության՝ համայն աշխարհում:

ԺՈՐԱ ՍՆԽՉՅԱՆ
Նիսոնոմիդայի մունիցիպալիտետի մշակույթի ծառայության պետ, ՎՊՀ «Վերնատուն» միության նախագահ

ԱՌԱՆՅՑ ԲԵՉ ԴժՎԱՐ ԿԼԻՆԵՐ, ՍԻՐԵԼԻՍ

Իմ ամենասիրելի, ամենամտերիմ և ամենահասանելի բարեկամ.

Քեզ ճանաչում են մանկուց, դպրոցական նստարանից, ավելի ճշգրիտ՝ 6-7-րդ դասարանից և սիրահարվել քեզ, տասնյակ տարիներ մերձեցել, մտերմացել ու հարազատացել ենք: Դրա համար է, որ ուզում են այսօր անկեղծանալ և ասել այն ամենը, ինչ զգում են քո հանդեպ, ու ինչն ամբարվել է մեջս մեր ծանոթությունից ի վեր:

Միշտ անհամբերությամբ սպասում են մեր հանդիպումներին, ինձ համար դարձել են անհրաժեշտության մասն մի բան, ու, հաստատ, առանց քեզ, սիրելի թերթ, դժվար թե կարողանամ պատկերացնել ինքս ինձ:

Ունես պատկառելի տարիք, բոլորեց քո իննսունհինգը: Ժամանակի հոլովություն դա մի ակնթարթ է, սակայն այդուհանդերձ, դու վաղուց հաստատել ես քո լինելիությունը, կաս ու կանգուն ես, ու քո պատմությունը լրատվական-հրատարակչական հաջողված գործունեության ակնառու օրինակ է: Գիտեմ, որ շատ փորձությունների ես հանդիպել, ծանր պահեր ես ունեցել, սակայն կարողացել ես քո որդեգրած ազնիվ ու շիտակ ընթացքով հաղթահարել ամեն մի դժվարություն: Հիմա էլ քայլում ես ժամանակին համընթաց, պահպանում ես արդիականության սթափ զգացողություն, ունես իրականության ողջամիտ ընկալում, իրավիճակը խորը վերլուծելու ձգտում ու միտում: Դու միշտ այնտեղ ես, որտեղ ճշմարիտ խոսքի ու աշխուրջ աչքի, անկեղծ աջակցի ես ազատ ու արդար ասելիքի միջամտության կարիք կա ու անհրաժեշտություն: Քո համայնապատկերում կյանքի բոլոր ոլորտներն են՝ պաշտոնական տեղեկատվությունից մինչև մշակութային, քաղաքական, տնտեսական, սոցիալական, հոգեւոր... Դու լրատու ես ու լրաքաղ քո ընթերցողի համար, ուղեցույց ես ու գործընկեր, ուղեցող ու քո հետևից տանող ես: Շուրջ մեկ դար տարբեր ժամերի միջոցով ես տարբերում ես վիրահայերիս ու մեր երկրի և Մայր հայրենիքի պատմությունը՝ քո քաղաքական ու քաղաքացիական ակտիվ կենսակերպով, հետք ու կնիք թողնող գործունեությամբ, քաղաքացիական հասարակության ձեռնարկման գործընթացի ծանրակշիռ մասնակցությամբ:

Ժեքներ ես քարոզում, ավանդույթ ու ճաշակ ես ձեռավորում, հոգեւոր սնունդ ես հաղորդում, այն ասպարեզ ես, որ համայնքի բարոյական էությունն է բնորոշում ու համախմբվածության խթան է հանդիսանում: Դու այն օղակն ես, որը միշտ վառ է պահում կապը Մայր հայրենիքի հետ, իսկ վերջին տարիներին մոր կշռությունով են լցվել քո էջերը, որոնք լուսաբանում են հայ ազգային մշակութային կյանքը՝ համահայկական միջոցառումների տեսքով: Քեզ սպասողների ու ճանաչողների թիվը շատ է նաեւ աշխարհի տարբեր անկյուններում:

Դու ազգերի միջեւ հանդուրժողականության, մշակութային արմատավորման ու փոխադարձ սիրու վրա հիմնված հարաբերությունների հաստատման քարոզիչն ես, ու դրա համար է, որ վերջերս արժանացել ես Վրաստանում 2015թ. լավագույն տիտղոսի կոչման, «Հանդուրժողականության աջակցի» դափնեկիրն ես, վրաց հասարակությունում մեր ինտեգրման ջատագովն ես: Դու հայ ես վրաց բարեկամության անդամական ջատագովն ես, մոքարն ու ստնտուն, այն բարեկամության, որը եղել է մնում է մեր բոլոր հաջողությունների գրավականը:

Քո արմատները սնուցվել են մեր անցյալի հսկաներից, որոնք, ցավով, այսօր չկան, սակայն, փառք Լաստո, որ ունենք քեզ, որ դու կաս ու մերն ես: Քո առաքելության հաջող ընթացքի համար ուզում են գլուխ խոնարհել բոլոր անցած-գնացած անձանց հիշատակի առջեւ, ովքեր իրենց վաստակն են ներդրել, ու երախտագրում լինել ձեզ՝ այսօրվա խմբագիր-լրագրողական կազմի, անկեղծ նվիրումի ու մասնագիտական պատշաճ մակարդակի համար:

Եվ ամեն օր, երբ երեկոյանում է, մարում են աշխատանքային գրասենյակների բոլոր լույսերը քաղաքում, մինչև ուշ գիշեր Աթոնելի փողոցի 5 համարի չորրորդ հարկի մի լուսամուտ դեռ երկար մնում է լուսավորված:

Դու քո ծննդյան լույսն ես: Միշտ եղի՛ր ու մնա՛ մեզ հետ...

Քո հավատարիմ բարեկամ
ԿԱՐԻՆԵ ՍԱՆՈՒԿՅԱՆ
Վրաստանի կրթության ու գիտության նախարարության ազգային ուսումնական ծրագրերի վարչության ոչ վրացալեզու ուսումնական նյութերի համակարգող



«ՎՐԱՍՏԱՆ»-Ը 95 ՏԱՐԵԿԱՆ Է

ՓԱՌԱՐԵՂ ՈՒՂԻ

Դեկտեմբերին լրացավ վիրահայ մամուլի ոսկե օղակներից մեկի՝ «Վրաստան» թերթի 95-ամյակը:

Բացառիկ է նրա դերը Վրաստանի հայ ազգաբնակչության գաղափարական, գեղագիտական, կրթական-լուսավորական, հայրենասիրական դաստիարակության գործում: Ի սկզբանե թերթը եղել է իր ընթերցողների ուղենիշ աստղը եւ կյանքի գեղարվեստական-հրապարակախոսական արձագանքը: Նրա շնորհիվ, վիրահայ համայնքն անաղարտ է պահել իր ազգային սովորույթները, ավանդույթները, լեզուն, հավատը, ոգին ու կերպարանը: Նրան աշխատակցել են հասարակական-քաղաքական, գրականության, արվեստի, գիտության ու այլ բնագավառների բազմաթիվ նշանավոր գործիչներ, ստեղծել են ուսանելի ավանդներ, եւ թերթը ձեռք է բերել հեղինակություն, յուրահատուկ դեմք ու դիմագիծ, դարձել մարտունակ եւ նպատակասլաց:

Առանձնապես վիրահայ սերունդների համար թերթը եղել է բարի խորհրդատու, նրանք բաղձանքների արտահայտիչը, այն քուրան, որտեղ թրծվել են բազում երիտասարդ ստեղծագործողների հոգեկերտվածքները:

Երախագիտության զգացումով պիտի խոստովանեն թերթի դերը նաեւ անձիս՝ որպես գրականագետի եւ թարգմանչի կա-

յացման գործում, քանզի, Թբիլիսիի պետհամալսարանի ասպիրանտուրայում ուսանելու տարիներին, նրա էջերում է տեղի ունեցել տողերիս հեղինակի գիտաստեղծագործական մկրտությունը:

1990-ական թվականներից «Վրաստանը» ձեռք է բերել նոր հատկանիշներ եւ նոր որակ: Այժմ պատմական հարուստ կենսամատյան ստեղծելու ճանապարհին է: Միայն անհրաժեշտ է համախմբվել նրա շուրջը, զորավիզ լինել եւ զորացնել, որպեսզի նա, պահպանելով անկախությունը, հավատարիմ մնա իր սկզբունքներին ու ավանդույթներին, շարունակի հարատեւել ու զարգացնել ձեռքբերումները, շարունակի կռիվը կոփել մեր նախնիների կողմից մեզ ավանդված հայ եւ վրաց ժողովուրդների պատմական եզակի ու ուսանելի բարեկամությունը, էլ ավելի օգնի ինտեգրվելու վրաց հասարակական-քաղաքական կյանքին:

ՀՐԱՇԱՍ ԲԱՅՐԱՍՅԱՆ
ԵՊՀ հայագիտական հետազոտությունների հնաստիտուտի հայ-վրացական հարաբերությունների բաժնի վարիչ, բանասիրական գիտությունների թեկնածու



ԻՄ ՍԻՐԵԼԻ ԹԵՐԹԸ

«Վրաստան» թերթի հետ իմ ծանոթությունն սկսվել է ավելի քան կես դար առաջ, երբ ես դեռ դպրոցական էի: Մեր ուսուցիչներից շատերը Դաղեթ-Խաչեցունում ստանում էին այդ թերթը, եւ ես հաճախ էի տեսնում նրա լայնածավալ էջերը, տարբեր չափերի նկարները, հայոց տառերով գեղեցիկ վերնագրերը... Այդ ամենն ինձ հրապուրում եւ մեծ հետաքրքրություն էին առաջացնում իմ մեջ: Ես նոր-նոր էի անում իմ գրական առաջին քայլերը: Մի օր էլ մեր գյուղի կյանքի մի փոքրիկ թղթակցություն գրեցի եւ ուղարկեցի «Սովետական Վրաստանի» խմբագրություն: Դրանից մի երկու շաբաթ անց, դպրոցի ճամփին մեր գյուղի փոստատար քեռի Մինասը ինձ կանգնեցրեց եւ, թերթում տպագրված մի նյութ ցույց տալով, հարցրեց. «Սա դո՞ւ ես գրել»: Նայեցի ու, նրա տակ կարդալով անուն-ազգանունս, սիրտս թինք ելավ, ուրախությունս չափ ու սահման չուներ: Ոգեւորված այդ թղթակցության տպագրությամբ, այս անգամ էլ մի քանի ոտանավոր ուղարկեցի: Այդպես, սկսվեց իմ համագործակցությունը, «Վրաստանը» դարձավ ինձ համար սիրելի թերթ, եւ ամուր կապվեցի նրա հետ:

Յետո ես ավարտեցի դպրոցը, ընդունվեցի համալսարան, տեղափոխվեցի Երեւան, բայց իմ կապերը երբեք չխափեցին սիրելի թերթի հետ, շարունակեցի թղթակցել, ավելի ծավալուն նյութեր պատրաստել նրա համար եւ սրտատրոփ սպասել թերթի յուրաքանչյուր համարի ստացմանը Երեւանում: Միայն ես չէի այդպիսին, Երեւանում ինձ նման կային նաեւ ուրիշները՝ Սուխունիից, Բաթումիից, Ախալցխից, Ախալքալաքից, Բոզա-նովկայից (այժմ՝ Նինոծմինդա) Ծալկայից եւ այլ վայրերից:

Յիմա ես կարոտով հիշում եմ այն անվանի մարդկանց դեմքերը, որոնց երբեք էի հանդիպել եմ այդ թերթի խմբագրությունում: Դեռ մտքիս մեջ է Ռուսթավելու պողոտայի թիվ 42 շենքի պատկերը, որի ճակատին ամրացված խոշոր տառերով գրված ցուցանակը, որ գիշերները լուսավորում էր ամբողջ փողոցը, ազդարարում էր. «Ա.Ֆ.Մյասնիկյանի անվան

«Չարյա Վոստոկայի» հրատարակչություն»): Ամեն անգամ, Թբիլիսիում գտնվելիս, առաջին գործս եղել է «Սովետական Վրաստան» թերթի խմբագրություն այցելելը: Ես այդ խմբագրությունում եմ ծանոթացել վիրահայ մեր անվանի շատ գրողների ու լրագրողների հետ, որոնցից էին Ծերուն Թորգոմյանը, Գեորգ Գրիգը, Կորյուն Ազրոյանը, Աշոտ Չայրապետյանը, Սուրեն Ավչյանը, Յովհաննես Կարայանը, Սոս Սիմավորյանը, Միքայել Աղամյանը, Նորայր Երթեյանը, Արշավիր Բեգլարյանը, իմ հայրենակից Մարտին Քարամյանը եւ էլի շատերը: Ես երբեք չեմ մոռանա թերթի գլխավոր խմբագիր Յակոբ Բլրցյանի հայրական ջերմ վերաբերմունքը իմ նկատմամբ:

Իրո՞ք, լրագրությունը չափազանց ծանր ու հոգեմաշ գործ է, իսկ լրագրողը՝ անխոնջ մշակ: Այս բանը շատ լավ եմ գիտակցում «Վրաստանի» աշխատակիցները եւ խորությամբ ըմբռնում ու սրբորեն կիրառում են իրենց ամենօրյա լարված աշխատանքում: Ես անչափ ուրախ եմ նաեւ, որ թերթի ներկայիս խմբագիր, հասարակական-քաղաքական ու մշակութային հայտնի գործիչ Վան Բայբուրթյանը եւս իր շուրջ երեսնամյա խմբագրական գործունեության ընթացքում «Վրաստան» թերթում, շարունակել է հարստացրել է թերթի ստեղծած լավագույն ավանդույթները:

Ավարտելով խոսքս «Վրաստան» թերթի 95-ամյա տարելիցին ի սրտե շնորհավորում եմ խմբագրության բոլոր աշխատողներին եւ նրանց ցանկանում ստեղծագործական անսպառ եռանդ ու քաջառողջություն, ինչպես եւ հաջողություններ՝ իրենց հայրենանվեր գործում:

ՎԱՀԱՆ ՄԱՂԱՆՅԱՆ
Բանասիրական գիտությունների թեկնածու

Երեւան

ԻՄ ՎԱՂԵՄԻ ԲԱՐԵԿԱՍ, ՄԱՆՏՈՋԱՆՈՒ «ՎՐԱՍՏԱՆ»



Այո, այո, գալիս եմ տանից՝ Երեւանից, եկել եմ տուն Թբիլիսի: Իմ քաղաք, դեռ մանկուց հիացել եմ քո շքեղությամբ, լուսապայծառ գմբեթների առատությամբ, զգացել եմ ինձ քո նեղիկ փողոցներում

որպես մասնիկ իմ քաղաքի:

Մի քիչ վրացի ու ասորի, մի քիչ հույն ու հրեա, բայց աղոթել եմ միշտ իմ հարազատ Սուրբ Գեորգում: Նրա հարթակից զնայվում եմ դիմացս վեհացող վերածնված տաճարով՝ Սուրբ Էջմիածնով, ճախրող Փարաջանովով եւ Մեծն Սայաթ-Նովայի սագով:

Եկեղեցում եմ խնկաբույր կամարների ներքո եւ, ինչպես միշտ, դու էլ ես այստեղ իմ վաղեմի բարեկամ «Սովետական» եւ «Խորհրդային», իսկ այժմ համեստ պարբերական, մաշտոցատառ «Վրաստան»:

Թերթում եմ էջերդ՝ 95 տարի դու եղել ես վիրահայոց կյանքի անընդմեջ վկան, քո մեջ կրում ես մեր ժողովրդի մի սովորականվածի հիշողությունն ու պատմությունը, նրա կորուստները եւ ձեռքբերումները, պարտություններն ու հաղթանակները: Անցել ես պատերազմներով, թո՛հ ու բռնով, խաղաղ շինարար կյանքով, ճակատագրերով ու կենսագրություններով եւ կաս առ այսօր:

Ասում եմ՝ դու էլ ես իշխանություն, բայց չորրորդ:

Իրականում վիրահայության չորրորդ հենասյունն ես՝ քո քույրերի Յայոց պանթեոնի, թատրոնի եւ սրբազան առաջնորդարանի հետ միասին:

Մաղթում եմ քեզ երկար դարեր եւ, եթե գեթ մի հայ կա Վրաստանում՝ թող դու ապրես «Վրաստան»:

Շնորհավորանքներով՝ Չեր ԳԱԳԻԿ ԱՐԱՋԱՆՅԱՆ
«Ապավեն» ընկերության ինժեներ-տնօրեն Երեւան

ՊԱՏՎՈՎ ԿԱՏԱՐԱԾ ԱՌԱՔԵԼՈՒԹՅՈՒՆ

Յեռավոր ԱՄՆ-ից ի սրտե շնորհավորում եմ Թբիլիսիում լույս տեսնող միակ համավրաստանյան հայտատառ հասարակական-քաղաքական թերթի՝ «Վրաստանի» 95-ամյակը: Ցանկացած հայոց պարբերական, որ լույս է տեսնում սփյուռքում, արդեն գովելի է ու արժանահիշատակ: Մանավանդ՝ հայաշատ կենտրոններում: Իսկ Թբիլիսիում՝ որպես հայ մշակույթի փառավոր կենտրոն, բոլորիս է հայտնի: Ես համարձակ կարող եմ ասել, որ այս թերթը իր գոյության գրեթե մեկ դարի ընթացքում պատվով ու գեղեցիկ է կատարել իր առաքելությունը: Ես դեռ Երեւանում բնակվելու տարիներից եմ ծանոթ այս թերթին, եւ այն ժամանակ, երբ այնքան մերձ չէր Յայաստան-սփյուռք կապը, մյուս թերթերի հետ միասին, ստացել եմ նաեւ «Սովետական Վրաստան» թերթը ու ավելի շատ այդ թերթի շնորհիվ իրագրվել մեր հարեւան երկրում՝ շատ սիրելի Վրաստանում, կատարվող քաղաքական-հասարակական իրադարձություններին, բնականաբար նաեւ վիրահայոց կյանքին վերաբերող: Ինձ համար այն միշտ կամուրջի դեր է կատարել հայ

ու վրաց ժողովուրդների միջեւ, սիրել տվել վրաց ժողովրդին՝ որպես մտերիմ բարեկամի: Իմ կապն այսօր այս, ես կասեի բարի ու շատ կարեւոր թերթի հետ, շարունակվում է համացանցի միջոցով (փառք Աստու, կա, գործում է թերթի էլեկտրոնային տարբերակը, ու ես ամեն շաբաթ կարողանում եմ ծանոթանալ նյութերի հետ: Բացի դրանից, մտերիմ բարեկամներս՝ Անահիտն ու Գայանեն եւ աշխատում այնտեղ, ու դա ավելի է օգնում իմանալ թերթի առօրյայի մասին: Յուսամ Թբիլիսիի հաջորդ այցիս կայցելեմ Վրաստանի խմբատուն: Իսկ մինչ այդ, շնորհավոր փառավոր 95-ամյակը, հարգարժան խմբագիր պարոն Վան Բայբուրթյան: Ապագան առջեւում է:

Սիրով՝ ԱԿԻԿ ԴԵՐԵՆՑ
Բանաստեղծ

Բոստոն



ՄԵՐ ԷՆԵՐԳԵՏԻԿՆԵՐԻ ԸՆՈՐՉԱՎՈՐՆԵՐԸ

1920 թվականի դեկտեմբեր ամսին լույս տեսավ «Վրաստան» թերթի առաջին համարը: Թերթի աշխատակիցները անցած տարիների ընթացքում մեծ ծավալի աշխատանքներ են կատարել տնտեսության, մշակույթի եւ գրականության լուսաբանման համար:

Յայաստանի էներգետիկների անունից շնորհավորում եմ «Վրաստան» թեր-

թի 95-ամյակի առթիվ: Ցանկանում եմ քաջառողջություն, նորանոր հաջողություններ եւ ամենայն բարիք:

ՍՏԵՓԱՆ ՊԱՊԻԿՅԱՆ
Յայկական էներգետիկական ակադեմիայի նախագահ, Ժուռնալիստների միջազգային ֆեդերացիայի անդամ Երեւան

ԵՍ ԿԵՆՈՐՉԱՎՈՐԵՄ ՔՈ 100-ԱՄՅԱԿԸ, ՍԻՐԵԼԻՍ

Նախկին մանկավարժ եմ: Ես ու «Վրաստան» թերթը համարյա տարեկիցներ ենք: Նա մեկ տարով է մեծ ինձնից՝ ես շուտով կդառնամ 94 տարեկան, նա արդեն 95 է: Յետեւաբար՝ թերթի վաղուցվա երկրպագուն եմ ու նրա հավատարիմ ջատագույն: Թերթի գալուն սպասել եմ դեռ դպրոցական, ուսանողական տարիներից մինչեւ այսօր, ու երբ մի համարը մի փոքր ուշ եմ ստանում, արդեն խառնվում, իրար եմ անցնում: Այսպես սպասում եմ սիրելի մարդուն, ում միշտ տեսնել եմ ուզում, ում հետ կիսվել եմ ուզում, ումից սովորել եմ ուզում: Մեր՝ թբիլիսահայերի այնքան սիրելի թերթն ինձ համար այդ սիրելի մարդն է ասես: Ու ես ե՛ւ երջանիկ եմ, որ այն կա, հարատեւում է, թող որ մեծ դժվարությունների գնով, եւ տիրում եմ շատ հաճախ, որ թերթն այսօր լույս է տեսնում շաբաթը մեկ: Ի տարբերություն նախկին շաբաթը երեք անգամի: Ասեմ նաեւ, որ լավ եմ ճանաչում եւ

թերթի խմբագրին ու նրա աշխատակազմին: Եվ հարգում եմ նրանց՝ իրենց կամքի ու դժվարություններին դիմագրավելու համար: Յայարտ եմ, որ երկու սերունդս՝ դուստրս եւ թոռնուհիս՝ Անահիտ եւ Գայանե Բոստանյանները արդեն վաղուց լծված են թերթի ընդհանուր գործին: Շնորհավոր 95-ամյակը, սիրելի իմ «Վրաստան», բարեկեցիկ աշխատանքային օրեր եմ մաղթում Ձեզ, սիրելի Վան, թերթի սիրելի աշխատակիցներ: Յիմա գրում եմ այս տողերն ու մտածում՝ տեսնես կգա՞ այն օրը, որ ես կարողանամ շնորհավորել թերթի 100-ամյակը՝ ինքս էլ արդեն հարյուրի շեմին: Ո՛վ իմանա: Մեկ էլ տեսար:

ՍԱՆԻԿ ՂԱՆԻԵԼՅԱՆ
94 տարեկան Յայոց լեզվի ու գրականության նախկին ուսուցիչ Թբիլիսի

«ՎՐԱՍՏԱՆ»-Ը 95 ՏԱՐԵԿԱՆ Է

ԱՊԱԳԱ ՀԱՄԱԳՈՐԾՎԿՑՈՒԹՅԱՆ ԱՎՆԿԱԼԻՔՈՎ



Վրաստանի հայալեզու «Վրաստան» թերթի 95-ամյակի առթիվ ի սրտե շնորհավորում են թերթի գլխավոր խմբագիր Վան Բայբուրդյանին, խմբագրակազմին, պարբերականի բոլոր ընթերցողներին: «Վրաստանը» այն բացառիկ թերթերի թվին է պատկանում, որը կարողանում է իր էջերում անդրադառնալ հասարակական կյանքի գրեթե բոլոր ոլորտներին, օբյեկտիվ ներկայացնել իրադարձությունները: Թերթի առանձնակի ուշադրության առարկան է մշակույթը: Այն առաջիններից մեկն էր, որ լուսաբանեց Վրաստանի և Հայաստանի մշակույթի նախարարությունների համագործակցության փաստը, որն իր անմիջական արտացոլումը գտավ Թբիլիսիի Սուրբ Գեորգ եկեղեցու վերանորոգման գործում:

Թանկագին բարեկամներ, թերթի 95-ամյակի առթիվ մաղթում են ստեղծագործական հաջողություններ, բազում ընթերցողներ ու վստահություն հայտնում, որ առաջիկայում եւս կշարունակենք մեր արգասաբեր համագործակցությունը՝ ի պահպանություն մեր ավանդույթների ու նախնիների ժառանգության:

ՍԻՒՆԵԼ ԳԵՈՐԳՎԱԶԵ

Վրաստանի մշակույթի և հուշարձանների պաշտպանության նախարար

«ԳՅՈՒՐԶԻՍՏԱՆԻ» ԲԱՐԵՍԱՐԴԱՆՔՆԵՐԸ ՔԵՉ՝ «ՎՐԱՍՏԱՆ»

Թանկագին գործընկերներ, հարգելի բարեկամներ:

Այսօր ձեր տոնն է: Մեր անունը «Գյուրջիստան» է, այսինքն «Վրաստան», ձեր անունը նույնպես «Վրաստան»: Մենք յուրօրինակ եկվորյակներ ենք, չնայած մեր թերթը «Վրաստան»-ից մեկ տարով փոքր է, բայց երկուսս էլ ծառայում ենք մեր ժողովուրդներին, Վրաստանի հայազգի ու արդիությանը քաղաքացիներին, մեր երկրին ու պետությանը: Շնորհավորում են ձեզ 95-ամյա հոբելյանի առթիվ: Դուք մեծ հաջողությամբ անցաք այս պանծալի ուղին: Եղել են բարդություններ, սակայն «Վրաստանի» սկզբունքային, համախմբված կոլեկտիվը հաջողությամբ հաղթահարեց բոլոր հիմնախնդիրները: Համոզված են, որ կոլեկտիվը, որին երկար տարիներ ղեկավարում է փորձառու հրապարակախոս, ճանաչված հասարակական-քաղաքական գործիչ Վան Բայբուրդյանը, առաջիկայում կշարունակի իր նախնիների մեծ գործը, կնպաստի Վրաստանի զարգացմանը:

Մաղթում են ձեզ հաջողություններ աշխատանքում եւ կյանքում:

«Գյուրջիստան» թերթի խմբագրության անունից
ԻՍԼԱՍ ԱԼԻԵՎ՝ թերթի խմբագիր



ՓՈՒՍԱՐԿ ՀԱՐԿԱՔ ԱՐՄԱՏՎՈՐՈՂ ԴՊՐԵՐԱԿԱՆ



Ջերմորեն շնորհավորում են ձեզ եւ Ձեր խմբագրակազմին «Վրաստան» թերթի 95-րդ տարելիցի առթիվ: Մաղթում են բոլորիդ քաջառողջություն, ստեղծագործական հաջողություններ եւ անձնական-ընտանեկան երջանկություն:

Հարկ են համարում մի հետադարձ հայացք գցել ու հիշեցնել մեր հարգելի ընթերցողներին, որ թերթի կյանքում բեկումնային հանդիսացան 1986-1987 թվականները, երբ խմբագիր նշանակվեց Վան Բայբուրդյանը: Դրան համարում մի հետադարձ հայացք գցել ու հիշեցնել մեր հարգելի ընթերցողներին, որ թերթի կյանքում բեկումնային հանդիսացան 1986-1987 թվականները, երբ խմբագիր նշանակվեց Վան Բայբուրդյանը:

Հատկանշական է, որ նորանշանակ խմբագիրն արդեն ուներ բավանդակներ հարուստ փորձ ժուռնալիստիկայի բնագավառում: Նա դեռեւս ուսանողական տարիներին աշխատակցել է «Սոլոդոյոժ Գրուզիի», «Վեչերնի Տբիլիսի», նաեւ «Սովետսկի սպորտ», «Կոմսոմոլսկայա պրավդա» թերթերին:

Եվ պատահական չէր, որ «Վրաստանը» նոր թափ ու լիցք ստացավ թե՛ բովանդակային եւ թե՛ ձևավորման առումով:

Եվ ահա, տասնամյակներ շարունակ պահպանելով անցյալի արժեքավոր ավանդույթները, «Վրաստանը» լինելով մեր միակ համավրաստանյան հայալեզու թերթը, հավատարմորեն է ծառայում վիրահայերիս կյանքի, հիմնախնդիրների եւ ակնկալիքների լուսաբանմանը:

Անհրաժեշտ է նաեւ շեշտել թերթի բացառիկ դերը, ներդրած ավանդը վրաց եւ հայ ժողովուրդների միջեւ դարերի խորքից եկող ու ավանդական բնույթ կրող բարեկամական, եղբայրական հարաբերությունների ամրապնդման գործում:

Երախտագիտությամբ պետք է ընդգծել նաեւ թերթի ցուցաբերած մշտական ուշադրությունն ու հոգատարությունը հանրապետության հայկական կրթօջախների նկատմամբ: Չեք գտնի թերթի համարյա եւ ոչ մի համար, որտեղ գետնեղված չլինեն ուշագրավ ու հետաքրքիր հոդվածներ՝ նվիրված դպրոցների առօրյային՝ նրանց հիմնախնդիրներին, առանձին ձեռքբերումներին ու թեմատիկ բազմաբովանդակ միջոցառումներին:

Սիրելի բարեկամներ, թույլ տվեք օգուվելով պատեհ առիթից, շնորհավորել ձեզ գալիք Ամառնի եւ Սուրբ Ծննդյան տոների կապակցությամբ: Թող 2016 թվականին ձեզ ուղեկցեն ուրախությունը, բարեկեցությունը, արարելու եռանդն ու լավատեսությունը:

Խորին հարգանքով՝ ՆՈՐԱՅՐ ԲԱՂՎԱՍՏՅԱՆ

Վրաստանի կրթական համակարգի վաստակաշատ գործիչ



ՍԻՐՈՒՄ ԵՄ «ՎՐԱՍՏԱՆԸ», ԵՎ ՆՈՐ ԶԵՄ ՍԻՐՈՒՄ

Միանգամից ասեմ, որ ես սիրում եմ «Վրաստան» թերթը, եւ նոր չեմ սիրում: Ես նույնիսկ չեմ հիշում, թե երբևէ հիշում եմ միաձուլվել է իմ անձի հետ այս թերթի գոյությունը: Հիշում եմ դեռ շատ փոքր էի, երբ փոստատարը օրումնեջ, ամեն առավոտ բերում էր մեր տուն «Սովետական Վրաստանի» թարմ օրինակը: Ես այդ ժամանակ շատ փոքր էի, դպրոց էլ չէի գնում: Հասուն տարիքում՝ ավելի շատ, քանզի հասկացա, որ մարդու, Վրաստանի քաղաքացու, վիրահայի ձեւավորման մեջ անգնահատելի է երկրում այս միակ հայատառ թերթի կարեւորությունը: Թերթը իր գոյության 95 տարիների ընթացքում օգնել է վիրահայերիս, սիրելի մեր երկրին ու մեր երկու ժողովուրդների՝ հայերին ու վրացի-

ներին, ու բարձր պատվանդանի վրա պահել այդ բարեկամությունը: Ես ինձ թերթի լավագույն բարեկամն եմ համարում, ուզում եմ, որ այն հարատևի, ու չնայած այսօրվա բազմաթիվ խոչընդոտներին, շարունակի իր բարի առաքելությունը, եւ բոլորս միասին հավուր պատշաճի տոնենք նրա մեկ դարը:

Վերջում, մի հաճելի պարտականություն եւս. Համաշխարհային հայերի կոնգրեսի եւ Ռուսաստանի հայերի միության նախագահ Արա Աբրահամյանը խնդրեց իր անունից ջերմ ողջույններ հաղորդել «Վրաստան» թերթի խմբագիր Վան Բայբուրդյանին ու ողջ խմբագրակազմին եւ շնորհավորել պարբերականի 95-ամյա հոբելյանի առթիվ:

ՈՒՅԻԿ ԱՐԱՋԱՆՅԱՆ

Համաշխարհային Հայկական կոնգրեսի վարչության անդամ, գործարար

ԺՈՂՈՎՈՐԴՆԵՐԻ ԲԱՐԵԿԱՍՈՒԹՅԱՆ ԶՍԱԳՈՎ, «ՎՐԱՍՏԱՆ»

Հարգարժան խմբագիր, թույլ տվեք շնորհավորանքներս հղել ձեզ եւ ի դեմս ձեզ ողջ խմբագրակազմին «ՎՐԱՍՏԱՆ» պարբերականի 95-ամյակի կապակցությամբ:

95 տարի ծառայել երկրին ու քո ազգին՝ առանց արգելքների ու խոչընդոտների, սովորական երեւույթ չէ, այլ խոսուն փաստ, վառ վկայություն մեր՝ հայ եւ վրաց ժողովուրդների բարիդրացիական հարաբերությունների եւ միմյանց նկատմամբ հանդուրժողականության: Շնորհիվ թերթի, վիրահայությունը միշտ էլ իրազեկ է եղել եւ լինում է մեր երկրի քաղաքական ու հասարակական անցուղարձին: Եվ ոչ միայն մեր երկրի: Դուք իրավունք ունեք հպարտանալու, քանզի այս երկար ու ձիգ տարիներն անցել եք բովանդակալից եւ ազնիվ ճանապարհով:

Մեր ընթերցողներիս ցանկությունն է, որ անցնելիք առաջիկա ճանապարհը եւս լինի բեղմնավոր, միշտ կանաչ, նաեւ հույս ենք հայտնում, որ «ՎՐԱՍՏԱՆԻ» խմբագրական կազմն իր արդյունավետ աշխատանքով մոտ ապագայում կգրանցի ցանկալի արդյունքներ, այն է՝ ավելացված քանակ եւ մեծացված ծավալ:

Միշտ Ձեր բարեկամ

ԷՄՍԱ ԱԽՏՅԱՆ
Պրոֆեսոր



ՏԵՂԵԿԱՏՎԱԿԱՆ ՎԱԿՈՒՄԸ ԼՐԱՆՈՂ ԹԵՐԹ



Խմբագրության հարգելի՛ աշխատակիցներ ու վետերաններ: Ընդունեք իմ անկեղծ ու ջերմ շնորհավորանքները թերթի 95-ամյակի կապակցությամբ: «Վրաստանը» հարմոնիկ, բազմաբնույթ պարբերական է, որը ներկայացվում է մասնագիտական բարձր մակարդակով: Թերթը մեծ ժողովրդականություն ու սեր է վայելում Վրաստանի հայազգի բնակչության շրջանում: Դա խմբագրության աշխատակիցների կողմից պատասխանատու, քրտնաջան ամենօրյա աշխատանքի արժանի արդյունքն է: Պարբերականն աչքի է ընկնում հրապար-

կունների բացառիկ վերլուծական ու պարզ հոգեկան ոճի համատեղմամբ, բազմերանգությամբ, ընդգրկվող թեմաների մասշտաբայնությամբ եւ իր ընթերցողների շահերի նկատմամբ մշտական ուշադրությամբ:

«Վրաստան» թերթը յուրովի լրացնում է տեղեկատվության ստացման հարցում Ջավախքի հայալեզու բնակչության տեղեկատվական վակուումը:

Թանկագին՝ բարեկամներ, մաղթում են ձեզ քաջառողջություն, երջանկություն, հավատարիմ ընթերցողների եւ մասնագիտական հաջողություն:

ԱՐՄԵՆ ՄԱՐԱՆԳՈՋՅԱՆ
Վրաստանի ժողովրդական պաշտպանի ներկայացուցիչ Սամցխե-Ջավախքիում

ԴՈՒ ՄԵՐ ՀԱՅԵԼԻՆ ԵՄ, «ՎՐԱՍՏԱՆ»

Ես երկարամյա մանկավարժ եմ, եւ ներկա աշխատանքիս բերումով էլ լավ գիտեմ, որ մեր Ծալկայի շրջանը «Վրաստան» թերթի ամենահավատարիմ բարեկամներից մեկն է: Գիտի, որ թերթն ունի շատ մեծ առաքելություն՝ նախ մեր վիրահայերիս կյանքի հայելին լինելու առումով, ապա մեր երկրում կատարվող բոլոր նշանակալից իրադարձությունները լուսաբանելու ու մեզ ներկայացնելու եւ վերջապես հայ-վրաց բարեկամությունը միշտ բարձր հիմքե-

րի վրա պահելու առումով: Մեր բոլոր գյուղերում ստանում են թերթը ու գոհ են թերթից: Ասեմ, որ անձամբ ես թերթի մեծ երկրպագուն եմ ու հավատարիմ բաժանորդը ու չեմ պատկերացնում պարզապես, որ ինչ-որ մեկը խնայի այն չնչին գումարը, որով գնահատված է թերթը: Եվ ժժան է գնահատված միայն մի պատճառով՝ ելնելով ազգաբնակչության կենցաղային սուղ պայմաններից: Փառք Աստծո, մեր շրջանում բաժանորդագրության պրոբլեմը

չկա: Մենք սիրում ենք թերթը ու գնահատում նրա դերը մեր կյանքում: Իսկ ում գնահատում, նրան սիրում են: Սրտանց շնորհավորում են թերթի 95-ամյակը եւ էլ ավելի շատ բաժանորդներ մաղթում նրան ու ավելի հաճախակի պարբերականություն:

ՄԱՐԳՈ ՄԻՆԱՍՅԱՆ
Թերթի բաժանորդ, մանկավարժ ք. Ծալկա

ՇՆՈՐՀՎՈՐ ՄԵՐ ԵՎ ՁԵՐ 95-ԱՄՅԱԿԸ

Երբ խոսում են «Վրաստան» թերթի մասին, ես անմիջապես պատկերացնում եմ այն տարիները, երբ մեր Ախալցխի շրջանում բաժանորդների թիվը հասնում էր հազարների... Ու մարդիկ սիրով, անհամբերությամբ էին սպասում, թե երբ պիտի իրենց շենքերը ներս մտնեք թերթը: Շաբաթը երեք անգամ ուրախացնեք իրենց, բավարարեք իրենց հուզող հարցերի պատասխաններն ու ծանոթացնեք մեր երկրում ու վիրահայության կյանքում ընթացող կարեւոր իրադարձություններին: Եվ այս համատեքստում, անշուշտ, նաեւ մեր ախալցխացիների կյանքին: Թերթը մեզ այսօր էլ է պարզեւում այդ ուրախությունը: Բայց պարզապես չգիտեմ, ինչու է պակասել այսօր բաժանորդների թիվը: Մեր գյուղում էլ՝ Ծղալբիլայում: Թե՛ն շատ ենք սի-

րում թերթը, հպարտանում նրա գոյությամբ: Կարծում եմ, սա ժամանակավոր երեւույթ է, դժվարին ժամանակների հետ կապված: Հուսով եմ, որ թերթն առաջվա մնացած կունենա իր գիտակից ու արժանավոր մեծաքանակ բաժանորդներին եւ մեր շրջանում, որովհետեւ այն նաեւ մեր կյանքի հայելին է: Մենք սիրում ենք «Վրաստան» թերթը եւ աղոթում նրա բարեկեցության ու հարատևության համար: Շնորհակալություն ձեզ, հարգարժան խմբագիր՝ պարոն Բայբուրդյան, թերթի մյուս աշխատակիցներ: Շնորհավոր մեր ու ձեր լուսավոր թերթի 95-ամյակը:

ՍԿԵՏԼՆԱ ՆԱԴՄԴԵՏՅԱՆ
Ծղալբիլայի հանրային դպրոցի տնօրեն Ախալցխի մունիցիպալիտետ

ՄԵՆՔ ՀԱՎԱՏԱՐԻՄ ԵՆՔ ԻՐՈՒ, «ՎՐԱՍՏԱՆ»

Բունիս-Խաչենում հարգում ու սիրում են «Վրաստան» թերթը: Եվ այս սերը հին պատմություն ունի. այն փորձած թանի պես է: Մենք հավատարիմ ենք իրար, եւ այս հավատարմությունն էլ հին է հին գիտու անան: Անհնարին է, կարծում են չսիրել, առավել եւս չձգտել պահպանել սերը: Չնպաստել այդ պահպանությանը: Թերթը մենք որակում ենք որպես մեր ցանկությունների, մեր իղձերի արտահայտիչ ու ամեն

մեկիս ու բոլորիս, մեր ամբողջ երկրի ու նաեւ մեր Մայր հարեմի կյանքի հայելի: Միշտ սպասել ու սպասում ենք թերթին: Գիշտ է, այսօր քչացել է բաժանորդների թիվը (քչացել է նաեւ բնակիչների թիվը), բայց մեր դպրոցում դարձյալ սիրով ու անհամբերությամբ են սպասում մեր հնամյա, փառավոր ուղի անցած թերթին ու դեռ սովորում նրանից ու դեռ շատ կսովորեն ինչպես բարի խորհրդատուից, որ

առաջին հերթին սեր, միասնություն, խաղաղություն ու բարեկամություն է քարոզում:

Արդ, շնորհավոր պանծալի 95-ամյակը, սիրելի «Վրաստան»: Լույս քո ճանապարհներին ե՛ւ հեշտ, ե՛ւ դժվարին: Բարով տեսնենք հարյուրամյակը:

ՄԵՆԻԿ ԱՍՐԳՅԱՆ
Բունիս-Խաչենի հանրային դպրոցի տնօրեն
Բունիսի մունիցիպալիտետ

ՇՆՈՐՉԱՎՈՐԱՆՔ ՍՈՒՐԲ ԾՆՆՊԻ ԱՌԹԻՎ

ՀՈՈՄԻ ՊԱՊԻ ՈՒՂԵՐՁԸ ԿԱԹՈՒԿ ԱՇԽԱՐՀԻՆ

Հռոմի Ֆրանցիսկոս պապը դեկտեմբերի 25-ին շնորհավորել է ամբողջ աշխարհի կաթոլիկներին՝ Սուրբ Ծննդյան տոնի կապակցությամբ: Կաթոլիկ եկեղեցու առաջնորդը հանդես է եկել ամենամյա կոչով և օրհնությամբ, որում հիշել է Եգիպտոսում և Փարիզում շաբաթներ առաջ տեղի ունեցած ահաբեկչական հարձակումների հետևանքով զոհվածներին, ինչպես նաև՝ կոչ է արել Արեւմուտքին և Ռուսաստանին կատարել Ուկրաինայի հարցով

ծեղբ բերված համաձայնության կետերը: Ֆրանցիսկոս պապը հիշեցրել է, որ այնտեղ, որտեղ Քրիստոսն է ծնվել, ծնվել է հույսն ու խաղաղությունը, իսկ որտեղ ծնվել է խաղաղությունը, այնտեղ այլևս տեղ չունեն ատելությունն ու պատերազմը:



ՊՐԵՄԻԵՐԱ

«ՃԱՆԿՈՒԹՅՈՒՆՆԵՐ՝ ՎԱՂՎԱ ՀԱՄԱՐ»



Դեկտեմբերի 21-ին, Թբիլիսիի Գրիբոյեդովի անվան ռուսական պետական դրամատիկական թատրոնի փոքր դահլիճում, թբիլիսահայ թատերասերը դիտեց՝ «Ցանկություններ՝ վաղվա համար» ներկայացման պրեմիերան, որը բեմադրել է Թբիլիսիի Պ.Ադամյանի անվան պետական հայկական դրամատիկական թատրոնի երիտասարդ դերասան ու ռեժիսոր, Երևանի թատրոնի և կինոյի պետական ինստիտուտի՝ Գյումրիի մասնաճյուղի, ավարտական կուրսի ուսանող Գագիկ Մելքոնյանը:

Ներկայացումը բեմադրված է ըստ ուկրաինացի ժամանակակից դրամատուրգ Ալեքսանդր Վիտեր Միրոշնիչենկոյի՝ «Կայարան կամ ցանկությունների չվացուցակ՝ վաղվա համար» պիեսի, իսկ ներկայացումը՝ ռեժիսորական մոտեցմամբ, կոչվում է «Ցանկություններ՝ վաղվա համար»: Նկարչական ձևավորումը և պարերի բեմականացումը Թամարա Աղաջանովայի և Նինա Կերվալիշվիլու: Ներկայացումը նվիրված էր վերջերս վախճանված թատերագետ, դրամատուրգ, ՀՀ վաստակավոր գործիչ, պիեսի թարգմանության հեղինակ Լեոն Սուբաֆյանի հիշատակին, ում մահվան քառասունը լրացավ հենց այդ օրը՝ դեկտեմբերի 21-ին:



ՆԱԽԱՏՈՆԱԿԱՆ ՊԱՏՐԱՏՈՒԹՅՈՒՆՆԵՐ ԳԱԼԴ ԲԱՐԻ, ՆՈՐ ՏԱՐԻ

Հաշվված օրեր են մնացել Նոր տարուն՝ մեր ամենասիրված տոնին: Սկսվում է նոր՝ 2016թ.-ը, այսինքն՝ նոր շրջան մեր կյանքում, իսկ հինգ նորին անցումը, ինչպես գիտենք, ունի իր պահանջները:

Տոնին նախապատրաստումը ենթադրում է մաքրություն, զարդարանք՝ բնակարանում և տոնական տրամադրություն: Անցման խորհրդավոր ու անհրաժեշտ պայմաններից մեկն էլ՝ նրան մեր ֆիզիկական և հոգեկան նախապատրաստումն է: Այստեղ մեզ անհրաժեշտ է դիմել աստղագետներին, իսկ նրանք, ահա թե ինչ են խորհուրդ տալիս: Միտելի տանտիկիներ, մի՛ մոռացեք մաքրման ավանդական կարգը ավարտել՝ վառված մոմով բնակարանում շրջապտույտի և սուրբ ջրի ցողման արարողությամբ: Մինչ Նոր տարին, խիստ կարևոր է ներում խնդրել Վերին ուժերից և այն մարդկանցից, ում կամա թե ակամա վիրավորել էք հեռացող տարում: Ազա-

տեք ձեր հոգին չարից, ինչը վնասում է նախելառաջ, ամձամբ ձեզ: Եթե այս օրերին չազատվեք փողային պարտքերից, մեծ է հավանականությունը, որ 2016-ին անընդմեջ պարտքերի մեջ լինեք: Կարելիք է հոգատար եղեք նրանց հանդեպ, ովքեր զգում են դրա կարիքը: Բառի ամենաուղղակի և փոխաբերական իմաստով՝ ջերմացրեք մրսածին, մի՛ խնայեք ձեր բարի խորհուրդը մոլորվածին: Մաքրեք ձեր մտքերն ամենայն նեղատիվից: Տոնածառը զարդարեք դրական հույզերով, թեթևացած հոգով: Առանձին օր և խաղաղ պահ ընտրեք՝ աղոթքի համար: Ամանորյա սեղանը զարդարեք վառվող մոմերով, իսկ ուտեստները թողն-

վում են ձեր հայեցողությանը, սեղանին մատուցեք ձեր նախասիրած կերակրատեսակները: Նախատոնական հագուստն ընտրելիս՝ ջանացեք կրել այն զարդը և հագուստը, որը ձեզանում կարթնացնի բացառապես լուսավոր հույզեր կամ հուշեր: Ամանորյա սեղանի շուրջ նստեք արտանոտ բարեկամների ու հարազատների հետ, հրաժարվեք տխուր, կաշկանդող, ճնշող զգացումներից ու հուշերից: Պահպանեք հոգեկան հավասարակշռության այդ ալիքը՝ Նոր տարին ավետող խորհրդավոր 12 դղղանջների հնչելու պահին և հետո՝ հնարավորինս երկար: Երջանիկ Նոր տարի բոլորիս: Պատրաստեք ՋՈՒԼԻԵՏԱ ԲԱՂԱՅԱՆԸ

ՊԱՐԳԵՎԱՏՐՈՒՄ

ՇՔԱՆՇԱՆ՝ ԲԱՑԱՌԻԿ ԾԱՌԱՅՈՒԹՅԱՆ ՀԱՄԱՐ

Վրաստանի նախագահ Գիորգի Մարգվելաշվիլին հանրագումարելով «Կանանց տարի» հռչակած 2015 թվականի արդյունքները, երկրի ու հասարակության առջեւ բացառիկ ծառայությունների, հասարակական գործունեության ու քաղաքացիական անձնագրության համար Իրինա Ենուքիձեին ետմահու պարգևատրեց Թամար թագուհու շքանշանով, իսկ դեռևս անց-

յալ դարի 20-ական թվականներին գրված Մարո Մաղաշվիլուն շնորհեց Վրաստանի ազգային հերոսի կոչում: Հիշեցնենք, որ Իրինա Ենուքիձեն Վրաստանի ՆԳ նախարարության աշխատակիցների կողմից 2006 թվականի հունվարի 26-ին, Թբիլիսիի մոտակայքում, Օքրոդանայում սպանված Սանդրո Գիրգվիանու մայրն էր: Որդու վախճանից հետո նա շարունա-

կում էր պայքարել արդարության հասնելու համար և պահանջում պատժել սպանության բոլոր մասնակիցներին: Իրինա Ենուքիձեն վախճանվեց 2007 թվականի օգոստոսին: Մարո Մաղաշվիլին, 19-ամյա աղջնակը, յունկերների հետ միասին Թբիլիսիի մատույցներն էր պաշտպանում Կարմիր բանակի զորամասերից և զոհվեց անհավասար մարտում:

«Վրաստան» թերթի խմբագրությունը խորապես վշտակցում է Աշոտ և Կարո Մելքոնյաններին, սիրելի մոր, «Վրաստան» թերթի նախկին սեփական թղթակից Ախալքալաքի շրջանում երջանկալիչատակ Աղասի Մելքոնյանի տիկնոջ՝ Կատյա Հովհաննեսի Մելքոնյանի մահվան կապակցությամբ և ցավակցում հանգուցյալի մերձավորներին ու հարազատներին: Թերթի հաջորդ համարը լույս կտեսնի 2016 թվականի հունվարի 1-ին: ՋՈՒԼԻԵՏԱ ԲԱՂԱՅԱՆ

8x8 grid with numbers 1-40 placed in various cells.

ՆԱԽՈՐԴ ՀԱՄԱՐԻ ԽԱՉԲՈՒ ՊԱՏԱՍԽԱՆՆԵՐԸ. ՆԱԽՈՐԴԻ ՀԱՄԱՐԻ ԽԱՉԲՈՒ ՊԱՏԱՍԽԱՆՆԵՐԸ. ՆԱԽՈՐԴԻ ՀԱՄԱՐԻ ԽԱՉԲՈՒ ՊԱՏԱՍԽԱՆՆԵՐԸ. ՆԱԽՈՐԴԻ ՀԱՄԱՐԻ ԽԱՉԲՈՒ ՊԱՏԱՍԽԱՆՆԵՐԸ.

Խմբագիր՝ ՎԱՆ ԲԱՅԲՈՒԹՅԱՆ. Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net. Գրանցման վկայական № 4 4 - 1439 «ԿՈԼՈՐ» հրատարակչություն. «ՎՐԱՏԱՆ» Тбилиси, Грузия <VRASTAN> Georgia, Tbilisi Индекс 66445